

Dä Schelm

Februar, dä korze, klore,
„Wassermann“ on „Fesch“ zogleich,
laift stets met ons dorch die Johre,
als en klaine Schelmestreich.

Manichmo es ä echt nixnotzisch
fiehrt ons an de Nas e'rom,
haust met Eis on Schnie heit protzisch,
morje bleift ä meld, stell, stomm.

Wie en Kobold hängt dä Lappes
zwesche Januar on März.
Faasenacht nicht ä de Flabbes,
hei bei ons - on allerwärts.

Alle vier Johr darf ä steije
bis off 29 Daach.
An dämm Schaltjohr soll dat leije,
emmerhin en scheene Sach.

Gruße Tön kann ä dann spucke
noch e'mol vur Does-Schluß,
stolz läßt ä Schnieglöckcher gucke -
ons zor Fraid - als Abschiedsgruß.

Ä verläßt ons net fier emmer,
stellt sein „Flämmche“ nur off Spar. -
Nächst Johr treift ä et vlleicht schlem-
mer -
onse „Schelm“ dä Februar!

Katharina Schaaf

27. 2. 1988 Kath. Schaaf